



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四二五

嬰山小園詩集十六卷 張誠撰

一

槐慶堂集一卷 王筠撰

一二七

璞疑詩集一卷 朱續曾撰

一四九

斷蔗山房詩稟四卷 滿秋石撰

一六一

月滿樓詩集四十卷首二卷附別集五卷月滿樓文集十四卷首二卷 顧宗泰撰

二三五

嘉慶丙子冬鐫

嬰山小園詩集

今文閣藏板

序

唐司空表聖詩品曰清風與歸又曰人淡如菊子味其言而竊於張君熙河有感焉熙河爲子同年友工於詩而性好遊興之所至如白雲出岫蹇一驢掛一席視萬里若戶闔翛然有出塵想而髣髴與羨門洪崖遊也世或以浪遊議是殆知熙河之以遊爲遊而不知其遊於天者與子自丁酉秋與熙河締交京師觀其爲人落落不苟合而其制行甚篤間與子上下盡吐胸中蓄積子心折久之厥後子宦於外幾三十餘年遂與熙河跡稍疏熙河既不得志於有司益恣於遊以寄其志嘗聞壯時渡之江遊雲門天台雁蕩涉揚子登金焦溯燕子磯覽秣陵六代之遺又嘗泛具區入林屋歷岱華嵩高諸勝西至峨眉劍閣數十年中足跡幾半天下遊記亦哀然成集蓋自熙河倦於遊而子亦頽然老矣回憶庚午冬予以省墓乞假旋里將之袁江熙河邀子集嬰山小園話別離觴風雨黯然魂銷越五年而熙河歿於京師其子笠溪扶櫬歸道出任城予以宣房赴豫未得一哭故人心竊憾焉今年冬其季弟春農郵寄熙河所爲嬰山小園詩

嬰山小園詩集序

一

問序於予予讀其詩如執硯集諸篇手訂遺藁不忘先澤其視予之受硯於先君子異焉否也讀小西溪集諸篇卜兆經營躬親負土其視予之廬墓西溪異焉否也讀其岱遊蜀遊諸篇振衣長嘯御風而行其視予之奔走於淮揚充豫間異焉否也讀其霞芝伍梅諸篇如從赤松子遊又若夢羅浮仙境此則熙河之襟期曠逸予所有志未逮者也故曰熙河之詩得於遊熙河之遊遊於天熙河之與予交相與於無相與而如其詩之清微澹遠也千載而下讀熙河之詩者其視予兩人交情氣誼

嬰山小園詩集

序

二

爲何如耶

嘉慶二十有二年歲次丁丑孟冬月年愚弟吳敬拜撰

序

論少時體羸多病不能深夜讀書仰見先君子挑燈危坐先生與杞洲先生各執一編講求韻語家學稟承其來有自先人既沒參訂遺稿授梓魏塘曹慈山先生題曰對牀吟有竊幸傳詩多繼起夜窗又見對牀人之句先生蚤歲學詩取法晚唐尤心折義山集故丙申以前諸作大率溫柔豔麗爲多既而盡棄舊學語必驚人其遣辭也醇而肆其發聲也閎而遠其意態之昭宣雄且傑殆出入盛唐諸大家駸駸乎上追漢魏蓋先生之詩一變矣

嬰山小園詩集

序

一

丁酉舉京兆試後學益進望譽日隆所交皆海內賢豪若先生之鴻裁鉅製自宜鼓吹休明賡揚盛治乃屢黜禮闈鬱鬱不得志散髮江湖視萬里奚啻戶牖入名山探極幽險能人之所不能下筆空靈天矯亦如之見者謂身有仙骨先生之詩至是又一變矣三十年來壯懷非昔終歲屹屹窮經交游雖舊相識輒引避庭前采石成山標識山中二十四景具有奧義先生易學深蘊於此窺見一斑詩不多作間以自抒懷抱不求工并不屑工先生之詩又一變而先生衰矣前年秋徵書下逮強

而後起啓行有日猶手編著述不少休比入京師
一月而疾作又一月而謝世悲夫子湘任能讀父
書懼手澤之就湮也繕寫古今體詩十五卷倚聲
一卷合鏤諸版嗟予同氣三人丙寅春仲旣爲杞
洲先生跋詩鈔茲復任校讐之役前望後顧百感
茫茫自知齒危髮禿偷息人間能有幾日惟先生
一生磊落瑰奇卓然千古有美勿彰豈非後死之
責與爰追述梗槩與夫作詩源流以俟後日采風
者

嘉慶二十有二年歲次丁丑仲春月清明前三日

嬰山小園詩集

序

二

同懷弟論和淚拜撰

嬰山小園詩集總目

卷一

執硯集上古今體詩三十六首

卷二

執硯集下古今體詩三十八首

卷三

霞芝集古今體詩五十首

卷四

岱遊集古今體詩六十二首

卷五

伍梅集上古今體詩一百二十七首

卷六

伍梅集中古今體詩四十九首

卷七

伍梅集下古今體詩四十八首

卷八

小西溪集上古今體詩三十七首

卷九

小西溪集下古今體詩三十三首

卷十

蜀遊集上古今體詩三十八首

卷十一

蜀遊集中古今體詩四十三首

卷十二

蜀遊集下古今體詩五十八首

卷十三

嶺上白雲集上古今體詩六十三首

卷十四

嶺上白雲集下古今體詩六十一首

卷十五

嬰山小園詩集

卷目

二

秦漢樂府三十九首

卷十六

鶴厂詞三十一闕

附

嬰山小園詩集總目終

嬰山小園詩集卷一

平湖 張誠 希和

執硯集上

丁酉春

丙申秋先大父見背遺命 誠應京兆試丁酉正月素衣北上八月大兄紹洲先生書來命歸謀葬事冬南下相地兩月不獲明春重入都南宮下第歸乃徒步邑四境及澈浦九十九峯者累月至乍川龍湫山下始得吉卜既葬檢兩年存稿關河羈旅之作皆游子血淚痕也爰取范喬執硯涕泣意名集以誌吾痛

嬰山小園詩集

卷一

一

將之京師大兄送至黃河口留別二首

河水來天上征人向日邊勞君千里送共我十宵眠落雁平沙月孤帆極浦烟燕雲山萬仞淒斷陟岡篇

回憶臨歧夜依依小弟情送余頻執手知爾已吞聲向暖花分吐衝寒雁獨征君歸好傳語努力共鵬程

大風渡黃河

黃河亘古波濤惡大風吹起勢噴薄風伯河神暗相搏淘浪如雨半天落舟子顧視驚錯愕余性不

畏風波作一笑登舟情踴躍我聞河水天上來日
月出沒星斗迴銀河倒瀉雲濤堆驚颺亂捲聲如
雷使人對之鬱悶開遲疑不渡何爲哉君不見宗
慤少年意氣豪願乘長風破洪濤又不見坡老平
生好奇遊九死南荒非所愁世情更有險於風濤
者區區鯨波簸蕩奚足憂

紀夢二首

北方不可居層冰我我凍先人魂今來夜夜入旅
夢音容儼生前怡怡笑言共問我以飢渴勗我以
絃誦我宿先靈棲我行先靈送幽冥戀行役思之
嬰山小園詩集 卷一

中心慟

遊子渺天涯耿耿懷故里夢魂度關山親見慈顏
喜彷彿遠行歸衣塵手爲洗兄弟相慰勞談笑風
聲起絮絮話長途餘音猶在耳旅柝忽驚覺登車
整行李

輝縣晤湘潭廣文夏晚洲賦贈

丈夫處世胡爲安困守四海五湖那得辭奔走廣
文先生生長沅湘間八荒爲庭日月爲戶隔余亦
少懷五嶽尋山志一朝邂逅快得同心友蘭陵承
城旅館愁不眠先生把杯細將蹤跡剖自言年來

落落走天涯北之雁門西之太行右受降城外親

弔明妃冢青草紫臺遺恨千秋久飄然洞庭彭蠡

一葦杭黃河長江舟子皆吾偶卽今淹留燕山五

六年問奇探勝往往寄詩酒博得微官仍是一書

生聊改青衫偶綰半通綬時晚洲自都門回將之新寧任余謂先

生奚用慨以慷慨成大器豈終落人後而况學校

儘足養賢才蘭滋九畹蕙亦樹百畝他時會與諸

公登臺省一展驥足次第抒抱負驀然鄭鄉感逝

懷故侯故邑侯周湘岸先生晚洲同里人也余少曾受知甘棠蔽芾遺愛

今不朽我昔少年曾抱知己感白楊蕭蕭吁嗟失

嬰山小園詩集 卷一

三

山斗剪燭談心不覺更漏深只恐茅店雞鳴旋分

手明朝郵亭各各悲路歧北風南枝相望頻回首

滕文公廟

已入滕邑境更謁文公廟文公今千載俎豆猶食
報天生鄒輝賢齊梁跡空到惟公英雄眼風塵識
周召一朝踐君位如訪渭濱釣勵精求治安長跼
願受教秦人開阡陌井田轉非笑處士紛縱橫青
衿傷學校典籍渺無傳俗儒管窺豹軻也聞其畧
請爲子八告經界別公私區畫最其要禮樂百年
興申之以訓誥公乃躍然動渙汗其大號借無用

武地未能奏厥效羽書况交馳憂心空自悼公論
百世定遺澤新廟貌松栢敞層楹赫奕明夕照慨
然念齊楚故國誰憑弔

謁孟子廟

戰國紛爭日羣言淆亂年嶧山維道統泗水接薪
傳守已羞干澤憂時欲問天玉人誰任使大木老
林泉一代推名世千秋奉大賢廟堂縣歲月桐柏
護風烟瑞應

皇朝見真源古殿前震來方毓

號井出已涓涓

康熙十一年殿前地震成井名天震井

小子生何晚

平時慕久專入門心凜凜登陞意拳拳仰止功高

嬰山小園詩集

卷一

四

矣瞻之氣浩然幾希宜自反稽首對松莖

曉行

鄉夢初醒月四更僕夫秣馬促長征山村野犬沿
籬吠茅店荒雞上樹鳴古道微茫分曙色新愁振
觸聽車聲故園慈母應遙念寒枕披衣話曉行

車中述懷四首

征車擾擾指京華竟日西風撲面沙快馬短裘初
作客荒村野店便爲家親朋零落遼東鶴機事憂
虞杯底蛇惆悵驪歌終闕後小園閒殺一庭花
渺渺長安路幾千征途到處換風烟南徐地勢低

連水東岱峯形上接天燕市空懷屠狗客魯邦誰
嗣割雞賢殊方弔古平生志把酒臨風意惘然
嗟予行役怯寒侵冷落關河思不禁密密縫衣慈
母手迢迢送遠老兄心江南柳上春偏早薊北山
陰雪尙深鄉國漸遙風物異仲宣懷土獨登臨
餐風踏月幾經時凜冽春寒強自支回首長途愁
滿眼傷心往事涕交頤悼亡忍誦安仁句述德哀
吟靈運詩去夏丙子下世尋遭大父之變屈指故園寒食近萋萋
芳草渺天涯

山行

嬰山小園詩集

卷一

五

兩山對峙高中有往來道車馬絡繹過日夜催人
老

西楚霸王墓

在東阿縣山中古穀城地

三年崛起滅秦嬴白帝曾令赤帝驚至竟中原鹿
安在漢家陵上暮雲平

寄兄弟二首

出門惘惘然迢遞三千里夙夜竟誰偕焚焚非得
已兄曰嗟予弟遠離從此始束裝同舟濟相送河
之涘一別倏經旬旅館寒姜被獨鳥懷故巢孤雲
戀舊祀夢中時到家室還心孔邇重關猶殯宮思

之額有泚大父尙未卜葬我亦非敢緩志在有待爾修名

若不立恐貽先人恥黽勉守此志未知命奚似高堂應繫念險阻慮遊子爲我前陳詞平安寄雙鯉

親心苟歡悅我心庶安矣

舍弟送子行含淚與子說自從有生來未知悲離別今將賦河梁中心已如噎子亦淒然悲執手同鳴咽既思丈夫志焉能終守拙不見王處仲唾壺口盡缺不見馮敬通凌雲志激烈而胡效兒女相對徒淒切盛年不再來歲月電光掣力學當及時古人猶映雪聚首正有期慎無心鬱結大鵬搏南

嬰山小園詩集

卷一

六

風駿馬馳北轍勿爲轅下駒須作人中傑因風贈片言願子希前哲

聞雁

一片飛鴻影嘹唳度晚天何時故鄉去持我素書傳不惜關河遠還爭雲路先聞中人已杳聞爾淚潸然

去歲二首

去歲春闈病正深繡幃強起力難禁加餐怕被旁人勸戀女彌形慈母心暫理雲鬟慵對鏡偶挑金縷不成針秋風化作浮萍散無復刀環拭暮砧

往事淒涼感斷蓬鹿門偕隱苦甘同煮茶伴讀情如昨視夜聯吟願竟空獨雁哀音雲路外鱗魚愁緒馬蹄中春來飄蕩天涯遠寂寞靈帷捲曉風

旅次有懷萊窗蘿溪蕙圖峯山星堃生靜琴

堂搗庵寄舸諸兄弟

謝家兄弟八九人文壇詩社情相親時時談笑夜向晨一雁翩然易水濱朝朝暮暮隨車輪餐風踏月經三旬征衣兜得十斛塵旅況蕭條誰與陳苦憶江南艷陽春幾回引領東湖滸何日寄我六六鱗

嬰山小園詩集

卷一

七

征途雜詠三首

兖州城外夕陽時杜老當年此賦詩海岱青徐齊在眼層樓未上動遐思

野店朝厨芻豢陳平生強半未沾膾家鄉風味尋常好不待秋來始憶蓴

山家一路半茅茨斜日微風颺酒旗那復蒲萄香液美把杯已觸故園思

宿長新店

人生如傳舍光陰等過客過客宿傳舍一宵旋一易憶自渡河口閱今二十夕居人計日到遊子尙

行役遲遲衝風雨今始長新驛孤館殘燈明空庭
疎月白主人前致詞 皇路僅咫尺客從何方
來母乃已通籍平生江海倚無夢到金闕馬齒忽
焉長終恐遂汨沒席帽未離身麻衣尙如雪願展
宗慤懷來獻賈生策

京邸話舊呈舅氏魏塘農部曹秋漁先生

飄飄兩葉萍茫茫大江水平蹤忽相逢聚散非由
已昨歲賦渭陽今來依舅氏去秋舅氏自蜀回里旋入都補農部員外郎
請將往事陳揮涕情難已誠昔垂髫年讀書侍
先子舅氏頻過從相隨迎倒屣入門旋升階趨踰

樂山小園詩集卷一

八

學拜跪頭角慙宗元舅氏撫而喜謂汝誕生時呱
呱遽失恃誠生二日而遭先而今漸長成母容仿
佛似顧謂先子言君家世濟美維鳳凰蓋有雛維橋
蓋有梓先子聞粲然竊恐未必爾季父時在座謂
舅言良是阿堆吾家駒昂昂輕千里先子笑且嘻
過譽增吾恥長者咸聞聞小子惟唯唯於時會芳
園速舅具甘旨青蔥摘莖苗黃粱汰糠粃新酒釀
蒲萄鮮果羅柚柿盤餐進時雞釜鬻烹江鮪把杯
話江湖開軒肆筵几晤對忘形骸講論皆文史往
往到三更誠亦隅坐俟會合無定期室還人則邇

樂山小園詩集卷一

卷一

九

鶴湖與鵝湖溯洄扁舟艤兩地互主賓投桃卽報
李如是十年餘真成莫逆視世事幻浮雲流光嗟
彈指甲申之孟春舅氏初筮仕舅氏初任四川新都令江流
沂錦城山色吟玉壘文翁留遺風杜甫餘故址蜀
道如青天公將仰而企枉駕過草堂銷魂片帆駛
時則我父叔麻衣悲陟屺舅氏過湖留別時先君太安未獲遠送行執手水之涘我祖策杖來信宿東園裏舅氏所居園名東園臨別贈公言愛民兼愛士誠愧無所遺但覺心如瘡奄忽已迄今周星踰一紀其間公假歸兩月還故第爾時來甥家天倫慶樂只故交尋舊盟關河忽尺咫重之以婚姻朱陳憑媒理己丑夏舅氏陞任西陽州牧乞假旋里過湖留緇三宿因與先叔父有指腹之約後生仲弟誠卽姻方謂他日歸歡會長如此嗣是兩經秋平安書數紙天道不可常前泰後忽否蒼蒼降鞠凶何乃竟若彼辛卯壬辰先君子先叔父相繼卒方我多難時正公草檄始載筆韓愈同請纓終軍比舅氏從定邊將軍公川去秋泊平奏凱歌宿草墓前薤交遊念疇曩離別判生死我父沒六年我叔亡五祀我祖雖在堂沈縣病不起臥牀與公言歷歷猶在耳大父疾革時舅氏過湖猶強起公別纔須臾嗚呼溘逝矣大父隨卒後事

我境逢迤邐我痛入骨髓勉思述先德將求名公
誅新恨續舊恨愴然動哀毀未幾吟河梁恩恩別
杖履甚感厚愛情長安寄雙鯉爲體先人心導我
決行止舅氏書來以顯我僕寧已痛 王道本

如砥悽惻感中懷行邁轉靡靡驅車入 帝城

回首戀江汜憶往愧麟兒撫躬長馬齒幾年期蟻
伸何日遂鵬徙非爲愛乘黃豈必羨拖紫刻表墓
龍岡此意早永矢懷安實敗名他年空拊髀乘時
惜分陰致功貴寸累性直非可回才疎不自揣旣
恐株守迂還嫌肉食鄙敢忘飛鳥心恨乏雕龍技

嬰山小園詩集卷一

十

惘焉莫適從公教將何以

飲長水唐西園侍御席上

蠟燈紅吐燼蠟酒絲浮春同座皆新識他時卽故
人相逢無世態所喜任天真駕水東風好公將理
釣綸侍御有告

夜雨

夜靜雲容黑燈殘旅思驚關河孤枕夢風雨故園
聲爲客三千里懷人四五更舊愁如海濶淒絕到
天明

石鼓

干戈兵燹幾千春石鼓巍巍歷劫新烏篆蟲書苔
薛迹赤文綠字廟堂珍韓蘇以後人誰賦秦漢而
還物有神終古辟雍揚盛烈岫嶠山頂比嶙峋

放歌五首

九關城闕高嵯峨我車馬絡繹冠蓋多有客初渡桑
乾河驚心歲月如拋梭長衢夾巷不識路茫茫四
顧空悲歌少年曾慕杜陵老許身稷契今如何
燕昭昔作黃金臺紛紛謀士如雲來樂毅裂封昌
國君免身立功何壯哉一旦遁逃走之趙惓惓故
主良可哀迢迢千載忽相感登高曠懷王佐才

嬰山小園詩集卷一

十一

東風吹徧長安道一路青却王孫草愁人對此傷
懷抱焉得要津致身早丈夫憂與草木同不然田
舍豈不好雄飛雌伏誰是非我將一問商山老
去歲秋風夢吹白孤雁聲聲喪其偶三十六州鑄
一錯長憶當年矢白首敕樓人去塵網縈而夫又
向天涯走遙憐小女未有知常對空幃覓慈母
翩翩飛燕迎風斜銜將陌上桃李花爭入朱門富
貴家朱門富貴一留戀烏衣忘却舊生涯鳳凰高
隱丹山頂九苞五德儲幽遐羽儀 盛世生光

華

送春二首

春風先我到長安
開遍春花待客看
看盡花開傷客思
客中花事易闌珊
春城無地不芳菲
化作香雲五彩飛
韶景自來還自去
未歸人却送春歸

嬰山小園詩集

卷一

主

嬰山小園詩集卷二

平湖 張誠 希和

執硯集下

起丁酉夏
止戊戌冬

憶女

經時不見汝望汝慶平安
女名安慶已失慈雲庇尤憐
弱影單可能知念母未必解憑棺而父常相憶茫
茫集百端

內子下世一載六月晦其忌日也詩以志感

重山非破鏡一錯鑄六州江南紅豆熟萬古相思
愁去歲六月晦之子窮泉遊九載一小劫恩情于

嬰山小園詩集

卷二

一

以休弱女牙牙語索母雙涕流可憐死生際何能
兩相謀高堂辭進酒
七月二日大父八
十壽辰命辭祝嘏俄而疾弗
瘳汝在重泉下侍奉如舊不吁嗟百餘日婦翁又
山邱魍魎守幽關歸寧豈自由花開陌上時魂往
路阻修北登燕山頂南望故園秋怱怱復怱怱星
霜忽已週孤雁念羣苦朝雉無衣憂仰視牛女爛
河梁恨悠悠

久不得從弟琴堂消息

思 春早金閨地勞君遠唱驪一從分手後何日不相

嬰山小園詩集卷一終

與北平郭旣園梁溪楊質谷永叔蒞袁顧紉
葺長水王端思唐士變夜話賦贈

我愛郭忠恕孝友篤天倫京國三十年氣誼高青
雲我思顧文學世德誦清芬東吳菰蘆中奇才生
不羣三楊工詞賦英華萃一門王唐能文章鄉社
同榆枌愧余烟波徒東湖垂釣綸一朝西向笑邈
迨占同人古有矢白頭白頭或如新莫嫌傾蓋交
傾蓋交有神旅館秋風夕一燈笑語溫願作金貫
石莫爲參與辰搏沙撒卽散鴻爪留有痕相逢在
他日車笠敦前言

嬰山小園詩集

卷二

二

對月

明月懸中天朗然宵若晝凝霜落庭階微風生衣
袖坐覺萬景清迢迢聞禁漏渺然思兄弟別久
母乃瘦

七月二十二日大父服闋追憶遺訓泫然有

作二首

三年尙如飛期服不逾瞬奄忽一年終私心哀無
意尙憶易簣時囑誠語諄諄謂汝方壯年人定天
可勝謬悠虛一生學人有通病爲山虧一簣掘井
棄九仞若不及早圖歲月東流迅汝父久窮泉汝

叔又歸殯往事摧心肝歎息皆前定厚望在汝曹
要使家聲振誠乃泣議之遂衝北風勁彈指屆新
秋親切槐花信終恐淪落歸莫報先人命

君子終身喪忌日無忘忌傷哉七月中喪期居其
二昨者當中元已灑孤兒淚

中元爲先
君子忌日

今辰復自

傷先祖去年逝故鄉隔萬山遙望心如醉默想靈
筵前薦食思所嗜阿兄居倚廬承重守厥義羣弟
踰小祥潦倒麻衣敝余獨居天涯哀哀橫涕泗回
首少小時趨庭兩世侍茫茫念先人惻惻慟前事
素衣半血痕不忍便捐棄置之篋笥中愴然轉酸

嬰山小園詩集

卷二

三

鼻我服業已除先靈未安庇逝將策馬歸親卜牛

眠地

時擬秋後旋里
爲大父卜葬

關中夜夢先君子

鎖闥夜岑寂百神羣呵護先子入夢來撫我儼平
素七年離膝前忽訝今宵遇夢中不知夢色笑慰
孺慕鼓角一聲驚醒後衣侵露

燕臺秋興八首和少陵韻

璇宮絳闕俯華林千里皇州勢肅森白雪山
頭橫暮靄黃金臺上變秋陰風雲天矯鵬飛翼河
海飄零梗泛心錦瑟無端傷逝感年年辛苦憶清

砧

滾滾紅塵撲帽斜東華行過又西華永懷笠澤天
隨賦誰泛銀河博望槎萬戶擣衣涼露杵九關吹
角晚風笳楚騷感慨時難再欲采芳洲杜若花
薊門紅樹澹晴暉爽氣西來接翠微塞北羣鴻遵
渚宿江東孤鶴近天飛六經文字前因在一艇烟
波夙願違滿地秋風催客思淮南曾道鰕魚肥
爛柯巖頂一枰棋秋氣奚煩宋玉悲物理故分榮
落候人生亦有盛衰時青山迢遞啼鵲苦白日蹉
跎快駿馳野徑三三勞悵望江鱗六六寄愁思

嬰山小園詩集卷二

四

漂泊江南庾子山賦成枯樹誦人間酣歌燕市懷
屠狗老守夷門說抱關阮籍有心多白眼葛洪無
藥駐朱顏青衫走馬天街上絡繹相逢鴛鴦
班

何時破鏡大刀頭葭莢蕭蕭水國秋漁艇晚移臨
浦樂菱塘高唱遏雲愁北來夢繞烏衣燕南望心
依碧海鷗忽觸山邱華屋感羊曇知己慟西州

氏俞王
岑先生

男

紫府金丹百轉功鼠肝蟲臂感愁中文章名士今
時雨肥帖詩人上國風靈運吟成秋露冷

時大父
服甫閱

皋魚淚盡夜燈紅天涯兄弟分姜被應共深更夢

阿翁

東城詩句誦逶迤芳草萋萋舊澤陂黃菊凌霜留
勁節元蟬吟柳愛高枝夜深坐感河梁限秋老俄
驚斗柄移早晚同舟約仙侶鳳凰城下五雲垂

移寓魏塘編修錢黼堂即舍

王粲來京國蕭然寄此身論心惟有爾知我更何
人端復名譽早雷陳氣誼親鷦鷯一枝借喜與鳳
鷄鄰

舉京兆後自都旋里卽事述懷用少陵自京

嬰山小園詩集卷二

五

赴奉先縣詠懷五百字韻

張子滯春明半載甘守拙生值唐虞時臣工皆稷
契蕩蕩化宇清浩浩恩波潤輦下觀光回

如觀天門豁初來百花朝子于二月十日抵都倏過三伏熱

長安多少年石渠揚駿烈身賤顧自慙蹉跎荒歲

月朱顏漸非舊焉得長生訣壯志苦未伸揮手唾

壺缺窮達各有時人力安可奪鵬飛定在天鼠闢

僅于穴苟合亦何爲孤操慕李渤昌黎固大賢上

書數請謁非爲慕顯榮但虞名泯沒余亦願乘時

自銜恐踰節漫刺弗敢攜旅舍塵緣絕一生期璞

完萬事惡瓦裂新秋鹿呦呦薊門西風發魂花滿
地黃桂子傍月結鎖關扇森嚴 禁城高巖巢土
習戒澆漓文詞忌淫滑故策多陳言務去難夏夏
萬蟻戰方酣抱才誰管葛席珍期招弓懷玉恥被
褐賤子幸附名賈島韓門出 座主司農會稽梁璠
阿雨齋先生房師編席帽乍離身稽首 雙金闕
修山左朱淵亭先生席帽乍離身稽首 雙金闕
一第亦尋常差勝賣文活射策羨髫年若探囊中
物 同榜有年甫成童 功名踏蹬餘得亦不寒慄惻
然念先人衾影慎爾室仰惟喬松姿蔭茲蒲柳質
因事增愁思撫懷轉蕭瑟本性幸無虧不作踰淮

嬰山小園詩集

卷二

六

橘叢菊逢知己何嘗捐傲骨百感從中來茫茫難
具述孟冬日南至遊子回北轍遨遊齊魯間岱宗
瞻突兀順流下淮黃漸近江三折落葉飛蕭蕭寒
風吹率率行行兩旬餘故園指於越泥金淡經雨
征衣寒帶雪慈親急慰問恐我傷飢渴弱女繞膝
啼病婦去年卒堂前王父靈瞻拜更嗚咽久別觸
舊恨肝腸寸寸折行當營新阡多事復息卒松楸
待成陰冀令勿翦伐 時爲大父暨 千里賦歸來骨
肉話瑣屑往往夜深時殘柝聞街卒恍惚夢關河
蝴蝶化鴝鵒

悲歌行爲益齋弟盾霸圩作

北郊外冢累累紙灰歲歲春風吹君今往殯吁可
悲動我春令感送君薤露詩魂輿一去無返期松
柏鬱鬱草離離賢愚貴賤同如斯壽夭等是須臾
事服食神仙世上誰君不見北郊外冢累累

送亡妻陸氏櫬厝於北郊

臘月二十二送汝歸荒原朝發猶高堂暮宿已空
村走燐隱夜雨鬼車叫黃昏念汝深閨質能弗驚
幽魂道經汝故居 櫬過外 萱堂哭倚門冥冥苟有
知應戀罔極恩人生既到此已矣尙何言

嬰山小園詩集

卷二

丁酉除夕

一年往返六千里半世蹉跎三十人 予明年 爆竹
幾聲移歲序圍爐四座話風塵窗前雪報梅花信
杯底香浮柏葉春指日征軺重北去膝前小女故
相親

揚州

瓜州纔過又揚州今古詩人載酒遊莫問雷塘何
事業蕭蕭楊柳不勝愁

淮陰侯釣臺

烹狗藏弓後釣臺終古存不忘漂母德忍負漢王

恩

石門

昔賢經此地一宿話時艱
恰與儀封比千秋兩抱關

出都留別黼堂

雪中鴻爪泥郭外旗亭柳天涯
失意人知己又分手悽惻感中腸
今宵猶聚首憶昨來京華落落殊
寡偶迂拙性所成誰爲莫逆友
惟君不我嫌傾蓋情何厚相期顯
大名說項弗絕口顧慚樗櫟材雅
意竟孤負龍門遭曝曬聊擬棲南畝
孟郊傷棄置嬰山小園詩集卷二

還家

出門千里懷故鄉歸來客路心
迢遑引領但祝家安康忽忽衡宇
欣相望慈親見我趨登堂以言未
言神慘傷拭衣不覺淚淋浪我時
起立侍座旁回頭四顧空傍徨心
煩慮亂私推詳小弟恐我驚倉皇
徐徐告我以不祥乃知穉女罹天
殃祝融肆虐遭摧戕嗚呼一慟裂
中腸憶昨春風整行裝爾時繞膝
情淒涼看汝稍長方扶牀揮手遠
去門山長

可憐一訣匝月強父猶在途女已殤
迢迢渺不知存亡今來慘淡見汝
喪焚焚孤櫬依北邙乳燕將雛樓
畫梁喃喃學語樂未央見之令人
感朝霜誰能太上情相忘臨風涕
泗沾衣裳返魂無術徒茫茫

招魂歌有序

薊門反爲亡女安慶賦女年八歲
隨我母之余舅氏家春之花朝舅
氏第焚女殤于火

嗚呼安慶盍歸來魂兮有知應戀
而父回憶風塵兮跋涉旅夢依稀
猶見汝童孩孰知其早罹不測

嬰山小園詩集

卷二

九

之凶災嬌花兮侵驟雨弱樹兮遭
驚雷天乎小子何堪此傷摧聞汝
出門日啞啞笑顏開豈料一去不
復返遂令白骨同塵埃苟汝命之
不辰兮曷不祿祿兮早逝猶得免
於荼毒之燼煨慨草堂兮何辜微
汝之故胡爲乎同付之劫灰汝亡
身兮彼亡家家猶可復身今安在
哉令我輾轉惶惑腸一日而千迴
嗚呼安慶盍歸來前時嚴霜荒草
葬汝母汝猶三尺土邊衣麻衰孰
知其不兩月遽相從乎夜臺或九
原兮重聚恐斯理之不可推吾望
汝之長成而有家兮見汝如見汝
母天何吝此一綫之